

(<https://news.usm.my>).

Berita Mutakhir

19 OCT

MOHD HAZIM TEKAD JAYAKAN APEX USM



USM, PULAU PINANG, 19 Oktober 2016 - Hasratnya ialah untuk mencurah bakti kepada orang lain sebagai satu kepuasan diri hasil didikan universiti yang menjalani Program Pemacuan untuk Kecemerlangan (APEX) ini.

Demikian cita-cita peribadi pelajar Pusat Pengajian Sains Fizik, 21, Mohd Hazim Abdul Manaf yang dipilih sebagai Yang Di-Pertua baharu Majlis Perwakilan Pelajar Universiti Sains Malaysia (MPPUSM) bagi sidang akademik 2016/2017.

"Yang utama dalam hidup ialah berbakti kepada orang lain kerana itulah kepuasan yang tidak ternilai bila dapat berkhidmat dan membantu masyarakat melalui pelbagai cara dan pendekatan yang berbeza," kata Hazim, anak bongsu daripada dua beradik yang dilahirkan di Kulim, Kedah dan dibesarkan di Bukit Mertajam, Pulau Pinang.

Bekas pelajar Sekolah Menengah Tinggi Bukit Mertajam sebelum melanjutkan pengajian di Matrikulasi Changlun bertekad untuk membawa Majlis Perwakilan Pelajar USM pada sidang kali ini untuk berusaha menzahirkan hasrat universiti melahirkan mahasiswa HEBAT serta membentuk mahasiswa USM yang mempunyai identiti tersendiri di samping meneruskan usaha menjaga kebajikan mahasiswa.

"Saya dan rakan-rakan di dalam MPPUSM sidang ini akan terus berusaha bergerak seiring dengan universiti dalam menjayakan setiap usaha yang dibuat dalam menjayakan misi kelestarian yang menjadi semangat APEX selama ini dalam memacu kecemerlangan masa hadapan," kata pelajar Fizik tahun 3 Fizik Gunaan tersebut.

Dalam barisan kepimpinan MPPUSM kali ini, jawatan NYDP 1 pula disandang oleh Mohd Uzair Ahmad, NYDP 2 Tan Kar Yap, NYDP 3 Sutarsan A/L Chandran, Setiausaha Agung Farah Anis Azeera Azeman dan Bendahari Tan Chun Yung.

Kira-kira 8,220 orang pelajar USM telah membuat pemilihan MPP baharu bagi ketiga-tiga kampus dengan menggunakan rangkaian elektronik e-Pilih buat kali pertama pada 13 Oktober lalu melibatkan 29 kerusi iaitu 6 kerusi umum dan 23 kerusi Pusat Pengajian.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015